

---

## ZAPISNIK

### sa III redovne sjednice Izvršnog odbora Udruženja poslodavaca FBiH

održane dana 03.05.2018. godine (četvrtak) sa početkom u 12:00 časova u prostorijama Udruženja poslodavaca u FBiH ( Mula Mustafe Bašeskije 12/3) u Sarajevu.

**Sjednici su prisustvovali članovi I.O.:** Adnan Smailbegović, Krasnodar Petrović, Snježana Kopruner, Nurdin Peštalić i Nihad Imširević (po ovlaštenju Rusmira Hrvica).

**Sjednici nisu prisustvovali članovi I.O. :** Marin Raspudić i Safudin Čengić koji su opravdali svoj izostanak.

**Ispred UP FBiH:** Mladen Pandurević i Mersiha Jusić.

Predsjedavajući Izvršnog odbora Adnan Smailbegović je predložio sljedeći:

### DNEVNI RED

1. Usvajanje Zapisnika sa III vanredne sjednice IO;
2. Razmatranje Prednacrtu Zakona o Izmjenama i dopuna Zakona o posredovanju u zapošljavanju i socijalnoj sigurnosti nezaposlenih osoba;
3. Razmatranje Inicijative za Izmjenu Zakona o cestovnom prevozu FBiH;
4. Razmatranje Inicijative za izmjene podzakonskih akata kojim će se omogućiti Udruženju poslodavaca FBiH da daje mišljenje o svakom propisu koji je u proceduri, a koji je od značaja za poslovni ambijent:
  - a) Poslovnika o radu Predstavničkog doma Parlamenta FBiH;
  - b) Poslovnika o radu Doma naroda Parlamenta FBiH;
  - c) Poslovnika o radu Vlade FBiH
  - d) Uredba o procjeni utjecaja propisa;
  - e) Pravila i postupci za izradu zakona i drugih propisa FBiH;
5. Razmatranje inicijative za Izmjenu Pravilnika o primjeni Zakona o PDV-u;
6. Informacija o toku pregovora za djelatnost finansija, metalne industrije, tekstilne kožarko-prerađivačke i gumarske industrije te industrije hemije i nemetala;
7. Donošenje Odluke o usvajanju Knjige grafičkih standarda Udruženja poslodavaca FBiH;
8. Razmatranje Memoranduma o saradnji UPFBiH i Oslobođenje servisi d.o.o. Sarajevo;
9. Razmatranje Ugovora o poslovnoj saradnji sa DL TRGOVINA d.o.o Mostar;

## 10. Tekuća pitanja.

Dnevni red je jednoglasno usvojen uz prijedlog predsjednika Adnana Smailbegovića da se sa dnevnog reda skine predložena tačka 3. Razmatranje Inicijative za izmjenu Zakona o cestovnom prevozu obzirom da predlagač inicijative nije prisutan na sjednici.

### RASPRAVLJANJE PO TAČKAMA DNEVNOG REDA:

#### **Tačka 1. Usvajanje zapisnika sa III vanredne sjednice IO**

Predsjednik Izvršnog odbora Adnan Smailbegović je upoznao članove Izvršnog odbora sa ovom tačkom dnevnog reda. Napomenuo je da je Zapisnik dostavljen svima, te da po istom nije bilo primjedbi.

Obzirom da nije bilo primjedbi donesen je sljedeći zaključak:

**A.D. 1.1. Zapisnik sa III vanredne sjednice IO je jednoglasno usvojen.**

#### **Tačka 2. Razmatranje Prednacrtu Zakona o izmjenama i dopuna Zakona o posredovanju u zapošljavanju i socijalnoj sigurnosti nezaposlenih osoba;**

Predsjednik Upravnog odbora je zamolio direktora Mladena Pandurevića da ukratko upozna prisutne sa Prednacrtom navedenog Zakona te sa primjedbama koje je pripremila stručna služba.

Gdin Pandurević je istakao da glavna primjedba u formi amandmana od strane UPFBiH je zahtjev da Zakon omogući učešće socijalnih partnera u Upravnom odboru Federalnog zavoda za zapošljavanje. Krajnje je vrijeme da se pitanje delegiranja predstavnika poslodavaca i sindikata u organe vanbudžetskih institucija zakonodavstvo reguliše i u Federaciji BiH, kako Federacija BiH ne bi bila jedina u okruženju, a i šire, koja takvo jedno važno pitanje još uvijek nije regulisala. Usvajanjem predloženih izmjena naše zakonodavstvo bi se usaglasilo sa odredbama Konvencije ILO broj: 102. koju je naša država ratifikovala. Konvencija je time postala sastavni dio našeg pravnog sistema i ima jaču pravnu snagu od nacionalnog zakonodavstva.

Također primjedbe UPFBiH se odnose na nametanje obaveze poslodavcu da službi za zapošljavanje dostavi pisanu obavijest o radnicima za čijim radom je prestala potreba koja je u suprotnosti je sa Zakonom o radu, direktivama evropske unije i Evropskom socijalnom poveljom.

Dalje, predloženo uvođenje obaveze poslodavcu da dostavlja, službi za zapošljavanje, potrebu za radnicima, nije u skladu sa evropskim Direktivama i Uredbama iz oblasti

zapošljavanja i socijalne sigurnosti nezaposlenih osoba, Evropskom socijalnom poveljom i Međunarodnim paktom o građanskim i političkim pravima, te zahtjevamo da se ta obaveza briše iz Zakona.

Udruženje poslodavaca FBiH predlaže da po uzoru na rješenja susjednih zemalja i zemalja evropske unije obavezu plaćanja doprinosa za zdravstveno osiguranje preuzme Zavod za zdravstveno osiguranje, ili da služba za zapošljavanje plaća doprinose za obavezno zdravstveno osiguranje za vrijeme ostvarivanja prava na novčanu naknadu.

Postojeće zakonsko rješenje prema kojem pravo na obavezno zdravstveno osiguranje imaju nezaposlene osobe koje se prijave na zavod za zapošljavanje u zakonski propisanim rokovima dovodi do raznih zloupotreba. Većina osoba na zavodu za zapošljavanje je samo kako bi ostvarili pravo na zdravstveno osiguranje.

Služba za zapošljavanje treba da bude posrednik između poslodavca i osobe koja aktivno traži posao, a ne ustanova u koju će se nezaposleni prijavljivati kako bi ostvarili pravo na zdravstveno osiguranje, pri čemu uopšte nemaju namjeru da se zaposle.

Predsjednik UO je zamolio članove IO da se izjasne o iznesenim prijedlozima.

Nakon iscrpne diskusije Izvršni odbor je jednoglasno usvojio sljedeće zaključke:

**A.D. 2.1. Izvršni odbor je jednoglasno podržao predložene prijedloge u formi amandmana. Amandmani su sastavni dio zapisnika.**

**A.D. 2.2. Stručna služba će primjedbe u formi amandmana uputiti nadležnom ministarstvu.**

**Tačka 4. Razmatranje Inicijative za izmjene podzakonskih akata kojim će se omogućiti Udruženju poslodavaca FBiH da daje mišljenje o svakom propisu koji je u proceduri, a koji je od značaja za poslovni ambijent:**

- a) Poslovnika o radu Predstavničkog doma Parlamenta FBiH
- b) Poslovnika o radu Doma naroda Parlamenta FBiH
- c) Poslovnika o radu Vlade FBiH
- d) Uredba o procjeni utjecaja propisa;
- e) Pravila i postupci za izradu zakona i drugih propisa FBiH;

Direktor Pandurević je kratko informisao prisutne vezano za ovu inicijativu. Istakao je da je osnovni cilj da Udruženje poslodavaca bude uključeno u rad sjednica i radnih tijela oba Doma Parlamenta kao i daje učestvuje u procjeni propisa na poslovni ambijent.

Nakon diskusije Izvršni odbor je jednoglasno usvojio sljedeće zaključke:

**A.D. 4.1. Izvršni odbor je jednoglasno donio Odluku o pokretanju Inicijative za izmjene: Poslovnika o radu Predstavničkog doma Parlamenta FBiH, Poslovnika o radu Doma naroda Parlamenta FBiH, Poslovnika o radu Vlade FBiH, Uredba o procjeni utjecaja propisa i Pravila i postupaka za izradu zakona i drugih propisa FBiH.**

**A.D. 4.2. Stručna služba će pripremiti prijedloge Izmjena: Poslovnika o Predstavničkom domu PFBIH, Poslovnika o domu naroda PFBIH, Uredbe o procjeni utjecaja propisa, Pravila i postupci za izradu zakona i drugih propisa FBiH i uputiti nadležnim institucijama.**

#### **Tačka 5. Razmatranje inicijative za Izmjenu Pravilnika o primjeni Zakona o PDV-u;**

Gdin Pandurević je ukratko informisao prisutne o Inicijativi za Izmjene i dopune Pravilnika o primjeni Zakona o PDV-u. Navedenim izmjenama predlaže se da se u Pravilnik o primjeni Zakona o PDV-u unese odredba kojom će se jasno definisati obaveza plaćanja PDV-a stranim prevoznicima. Također, predlažemo da se definiše da se porezna osnovica za obračun PDV-a za prevoz na teritoriji BiH i za domaće i strane prevoznike obračunava na isti način. S tim u vezi, predlažemo da se porezna osnovica za obračun PDV-a za izvršene međunarodne prijevoze putnika na teritoriji BiH obračunava kao i u svim državama u regionu i Evropi. Na taj način i domaći i strani prevoznici će imati jednak tretman i biti konkurentni na tržištu. Također, predlažemo da se u Bosni i Hercegovini za obračun PDV-a za izvršene međunarodne prijevozne putnika na teritoriji BiH za bh. prevoznike primjenjuju ista pravila kao u zemljama regiona i zemljama Evropske unije.

U Izmjenama i dopunama su sadržane i odredbe za izmjenu člana 94. i člana 95. Pravilnika koje je Udruženje već nekoliko puta iniciralo a koje se odnose na povrat PDV-a. Navedene izmjene su uslov za uspostavljanje principa uzajamnosti povrata PDV-a, odnosno za zaključivanje bilateralnih sporazuma sa zemljama EU. Izmjenom člana 94. Pravilnika omogućio bi se povrat PDV-a bh. kompanijama iz Hrvatske, Slovenije, Švajcarske, Italije, Mađarske, Češke i dr. Također, povrat inostranog PDV-a za bh. kompanije bi donio benefit od 100 miliona KM na godišnjem nivou. Benefit bi uživale sve privredne grane, a najveći benefit bi imale bh kompanije iz oblasti izvoza, međunarodnog transporta i telekomunikacija. Povrat PDV-a bi povećao konkurentnost privrede BiH, a to bi se na posredan način efektiuralo na povećanje budžetskih prihoda BiH.

Nakon diskusije Izvršni odbor je jednoglasno usvojio sljedeće zaključke:

**A.D. 5.1. Izvršni odbor je jednoglasno usvojio Inicijativu za Izmjenu Pravilnika o primjeni Zakona o PDV-u. Izmjene i dopune Pravilnika su sastavni dio ovog Zapisnika.**

**A.D. 5.2. Stručna služba će Inicijativu za izmjene i dopune Pravilnika uputiti nadležnim institucijama.**

**Tačka 6. Informacija o toku pregovora za djelatnost finansija, metalne industrije, tekstilne kožarko-prerađivačke i gumarske industrije te industrije hemije i nemetala;**

Gdin Pandurević je ukratko informisao prisutne o toku pregovora za djelatnost finansija, metalne industrije, tekstilne kožarko-prerađivačke i gumarske industrije te industrije hemije i nemetala.

Vezano za KU za djelatnost metalne industrije napomenuo je da su pregovori trenutno obustavljeni obzirom da postoje suprotstavljena mišljenja između članova Grupacije poslodavaca metalne industrije i Pregovaračkog tima za zaključivanjej KU za djelatnost metalne industrije.

Vezano za Kolektivni ugovor za djelatnost tekstilne industrije sačinjen je Protokol o vođenju pregovora i zajedno sa tekstom Prijedloga KU upućen Sindikatu sa pozivom na pregovore. Očekuje se početak pregovora.

Vezano za Kolektivni Ugovor za djelatnost hemije i nemetalapregovarački tim je pripremio KU i 05.03.2018. godine upućen Sindikatu hemije i nemetala sa prijedlogom da se 09.03.2018. godine održi prvi sastanak. Predloženi sastanak pregovaračkih timova nije održan jer sindikat ne pokazuje spremnost za pregovore.

Prijedlog Kolektivnog Ugovora o pravima i obavezama radnika i sindikata za djelatnost tekstilne, kožarsko-prerađivačke i gumarske i industrije obuće u FBiH pripremio pregovarački tim uz konsultacije sa stručnom službom UPFBiH. Sačinjen je protokol o vođenju pregovora i zajedno sa tekstom Prijedloga KU upućen Sindikatu sa pozivom na pregovore. Očekuje se početak pregovora.

Pregovarački tim za KU za djelatnost finansija je 13.04. 2018. godine uputio stručnoj službi prijedlog KU koji je pripremio pregovarački tim. Stručna služba je detaljno analizirala prijedlog KU i dala svoje primjedbe na KU koji je uputila Pregovaračkom timu. Stručna služba nije dobila povratnu informaciju po pitanju primjedbi.

Vezano za ostale KU Pandurević je izjestio da su u toku pripreme za otpočinjanje pregovora.

Nakon diskusije doneseni su sljedeći zaključci:

**A.D. 6.1.. Izvršni odbor je zaključio da će i u narednom periodu intenzivno raditi na potpisivanju granskih kolektivnih Ugovora uključujući i KU za koje ne postoje reprezentativni sindikati.**

**A.D. 6.2. Predlaže se Grupaciji poslodavaca za djelatnost metalne industrije da održi Skupštinu Grupacije poslodavaca za djelatnost metalne industrije koja će se izjasniti o daljem nastavku pregovora za zaključivanjej KU za djelatnost proizvodnje i prerađivanja metala.**

**A.D. 6.3. Predlaže se pregovaračkom timu za djelatnost hemije i nemetala da još jednom pozove sindikat na pregovore za zaključivanje Kolektivnog ugovora.**

**A.D. 6.4. Zatražiti od pregovaračkog tima za djelatnost finansija da se izjasni o primjedbama koje je dostavila stručna služba UPFBiH.**

#### **Tačka 7. Donošenje Odluke o usvajanju Knjige grafičkih standarda Udruženja poslodavaca FBiH;**

Direktor Mladen Pandurević je članovima Izvršnog odbora prezentirao Knjigu grafičkih standarda Udruženja poslodavaca FBiH koja je pripremljena u cilju poboljšanja vizeulnog identiteta i stvaranja u javnosti harmoničke slike o Udruženju

Vizuelni identitet označava kompletno grafičko rješenje identiteta kompanije/institucije s ciljem da se stvori pozitivna slika u javnosti, poboljša komunikacija i razumijevanje same organizacije i njene ciljane javosti. Osnovna karakteristika korporativnog identiteta je jedan stil koji se prepoznaje u svakom njegovom elementu.

Knjiga grafičkih standarda sadrži skup standardiziranih smjernica koje je potrebno poštovati pri upotrebi primarnih i sekundarnih grafičkih, vizualnih i drugih elemenata neke organizacije. Smisao ovih smjernica je osiguranje dosljednog izgleda u javnosti, čime se učvršćuje imidž organizacije ili branda.

Obzirom da nije bilo primjedbi nakon rasprave donesen je sljedeći zaključak:

#### **A.D. 7.1. Izvršni odbor je jednoglasno donio Odluku o usvajanju Knjige grafičkih standarda Udruženja poslodavaca FBiH koja je sastavni dio ovog zapisnika.**

#### **Tačka 8. Razmatranje Memoranduma o saradnji UPFBiH i Oslobođenje servisi d.o.o. Sarajevo;**

Memorandumom o saradnji UPFBiH i Oslobođenja servisi d.o.o uspostavlja se saradnja na svim događajima u 2018. godini koje organizuje Oslobođenje servisi d.o.o. kao i saradnja u okviru projekta Finance and Business Summit, koji će biti održan u Sarajevu 15. maja 2018. godine. Uspostavljanjem saradnje članice UPFBiH imaju pravo nabesplatnu reklamu tokom događaja.

Nakon rasprave donesen je sljedeći zaključak:

**A.D. 8.1. Izvršni odbor je dao saglasnost za potpisivanje Memoranduma o saradnji.**

**A.D. 8.2. Zadužuje se direktor UPFBiH da potpiše Memorandum o saradnji.**

**Tačka 9. Razmatranje Ugovora o poslovnoj saradnji sa DL TRGOVINA d.o.o Mostar;**

Ugovorom sa DL Trgovina predviđena je saradnja na Projektu „Moj proizvod“ a omogućuje se besplatna reklama u Dnevnom listu kroz projekat „Moj proizvod“.

Nakon rasprave donesen je sljedeći zaključak:

**A.D. 9.1. Izvršni Odbor je dao saglasnost za potpisivanje Ugovora o poslovnoj saradnji sa DL TRGOVINA d.o.o Mostar.**

**Tačka 10. Tekuća pitanja**

Pod tekućim pitanjima nije bilo rasprave.

**Sjednica je završila u 13:30 časova.**

**Zapisnik sačinila:  
Mersiha Jusić, SEKRETAR**

**Predsjednik Izvršnog odbora  
Adnan Smailbegović**